

E origen di carnaval ta data di tempo Romano

Temporada di Carnaval

Den e temporada di Carnaval hopi hende ta probechá di nan tempo liber pa descansá, biaha, of participá cu of den e actividadnan di carnaval. E aña'ki Aruba su carnaval ta celebrá su 40 aña di existencia.

Hopi preparacion, esfuerso y hopi placa ta wordo invertí den e actividadnan carnavalesco dor di e negociantenan y nos pueblo

Arubiano en general. Tambe den e temporada aki hopi turista ta biaha bin Aruba djis pa mira of hasta participá den e actividadnan Carnavalesco di Aruba. E hotelnan ta yená rand rand cu hendenan di tur nacionalidad.

E temporada di carnaval dj'e forma aki ta parece un temporada di union na unda no solamente e pueblo di Aruba, pero tambe pueblonan di otro nacionnan ta uni pa celebrá e fiesta yamá carnaval.

ORIGEN

Nos ta wak cu carnaval a drenta oficialmente na 1954. Cu otro palabra: 40 aña pasá. Carnaval a wordo introducí como un fiesta público dor di e inmigrantenan cu tabata traha na Lago (awor Coastal). E hendenan aki tabata bini for di e diferente islanan den Caribe, especialmente for di Trinidad & Tobago unda e carnaval tabata den full swing.

Pero pa bisa berdad esaki no ta e origen di carnaval. Carnaval su origen ta mucho mas bieuw cu djis 40, 80 of 100 aña pasá. E origen di carnaval ta bini for di Medio Oriente, serca di Babilonia-, Hetita-, Phoenisia- y Egipcianan. Nan tabata haci como un rito di fertilidad na honor di e Diosnan. Por ehempel: e Dios di awa, solo, tera, etc.

E griego y e Romanonan tabata honra particularmente e Dios di bifa, cu ta e Dios cu yama "Bacchanal" den nan carnaval. Y awendá ainda nos ta tende e palabra aki resoná na Aruba den temporada di carnaval.

Na Roma nan tabata celebrá na principio di Januari e asina yamá: Saturno. Esaki tabata wordo celebrá asina'ki: For di e pueblo Romano un homber tabata wordo eligi como rey. Y den e carozu cu tabata un barco domá, poní riba wiel, e rey eligi mester a corre rond

den e procesion cu hopi show y parada den e stad.

Riba e carozanan aki tabatin imágen di Diosnan, estatuanan sunú y prostitutanen. Jokenan sin respet y cancionnan di burachería tabata wordo scuchá tur caminda, specialmente ora e bifa tabata basha manera lamá den nan garganta. Habitantenan di Roma cu tabata hendenan honorabel y tabatin un bon nomber, tabata hiba nan casanan y jiu muhernan na lugaman pafó di Roma den e periodo ey.

E Cristian den e tempo ey (200-300 aña despues di Cristo) no por a ni pensa mes pa participá den carnaval, pasobra inmediatamente lo el a wordo excluí di e Santa Cena. Pesey un hefe Romano, di un legion, cu a bira Cristian, a wordo fusilá dor di su mesun soldánan den e aña 303 despues di Cristo, pasobra el a rechazá di bira nan Prins di carnaval. Asina Iglesia Romano Católico a declará e martir aki cu yama Dasio, santo. Esey ta algo cu sin embargo poco Católico sa.

Tempo cu Cristianismo a bira religion di e pafs bao emperador Constantino e Grandi, Carnaval a wordo prohibí como un custumber di pagánonan. Pero e moral y e custumbenan aki a drenta den iglesia bek dor di porta patras. Iglesia Romano Católico a protestá fuertemente contra esaki,

pero alfin e mester a sera un pacto. A wordo combiná cu: Unicamente esnan cu lo tene un tempo di ayuno durante 40 dia promé cu Pasco Grandi, lo por participá den e carnaval. Serca e paganismo Romano aki a bini aserca esun Aleman, specialmente e bistimento di mascarada cu, segun nan, lo tabata corre cu demofonon.

Den siglonan pasá Carnaval no a keda limitá pafó di Iglesia. Tabatin misa di payaso, etc. Papanan a protestá fuertemente. Inocentio IV a expulsá tur e padernan cu tabata cooperá cu sorto di fiestanan asina. Ta imposibel pa un celebracion asina di carnaval por ta un bon introduccion pa: "Un ayuno pa Dios".

Loke Iglesia Romano Católico no a alcanzá dor di e compromisonan aki, a sosodé den Reformation, den un generacion. Na Hulanda, Scandinavia, e parti Protestant di Suiza y gran parti di Alemania, Carnaval no tabata existi mas. Pero despues di 1945, carnaval tabata wordo celebrá tambe den hopi lugar Protestant.

Incredulidad, pasion y sin nombra mas, a yuda pa trece e Diosnan bieuw di golos pa placa, inmoralidad y supersticion na bida atrobe.

Awor no ta picá pa haci fiesta. Dios a duna e Israelitanan hopi dianan di fiesta. Pero e mester ta un fiesta cu despues bo no tin mester di tin berguena. Tambe dor di uso di alcohol, local ta bira motibo pa hopi otro picá, un fiesta asina por bira algo escandaloso. Dios no por ta contento cu esaki. Cu esaki su nomber no ta wordo honrá. Alcontrario!

Bijbel ta bisa den Galationan 5:19-21 lo siguiente: "Obranan di carni ta cla pa mira; cualnan ta: *kibramento di matrimonio;

* fornicacion; * impureza; * bida sin berguena; * adoramento di Dios falso; * venenamento; * enemistad; * pleito; * cudishi; * rabia; * zundamento; * desunion; * doctrina falso; * envidia;

Si bo kier sa mas, nos ta na bo ordo Diadomingo di 10'ordi mainta pa 6'or di atardi na: Iglesia Maranatha Paradijs 4.

**GOZA NOS DUSHI
CARNAVAL
DI NOS E'TA!**



CAS DI BATERIA

**BIN BO BULA'DEN
BASHE Y LAG'E MERECE
ARUBA PA SU CUENTA DEN
CARNAVAL'40**



PANADERIA DEL PUEBLO

**Un Amstel bon friew
y Feliz Carnaval 40 Aruba!!**

